

Trosolwg

Mae'r safon hon yn ymwneud â datblygu strategaethau i reoli cydymffurfiaeth o ran hygyrchedd digidol mewn cynhyrchion a gwasanaethau meddalwedd.

Mae hyn yn cynnwys creu strategaethau i roi'r hygyrchedd gofynnol a chael ymrwymiad sefydliadol i roi'r hygyrchedd gofynnol i bob defnyddiwr. Mae hyn yn cynnwys creu polisiâu, safonau a thechnegau sefydliadol ar gyfer dylunio hygyrchedd i ddefnyddwyr, rheoli gwerthusiadau hygyrchedd i ddefnyddwyr a chynghori ar welliannau i brosesau.

Mae'r safon hon ar gyfer y rhai sy'n gorfod paratoi strategaethau i reoli cydymffurfiaeth o ran hygyrchedd digidol ar gyfer cydrannau meddalwedd a gwasanaethau yn rhan o'u dyletswyddau.

Meini prawf perfformiad

Rhaid i chi allu:

1. Creu polisiâu a safonau sefydliadol ar gyfer gwerthuso a dylunio hygyrchedd i ddefnyddwyr
2. Cael ymrwymiad sefydliadol i roi'r hygyrchedd gofynnol i holl ddefnyddwyr meddalwedd a ddatblygwyd
3. Rheoli adnoddau profi hygyrchedd i ddefnyddwyr i gyflawni'r asesiadau gofynnol
4. Cynllunio ac arwain gweithgareddau dylunio hygyrchedd i ddefnyddwyr ar gyfer rhaglenni datblygu meddalwedd
5. Profi bod gofynion hygyrchedd meddalwedd wedi'u bodloni a bod yr arferion gofynnol wedi'u dilyn
6. Cynghori'r rhai sy'n cynnal profion hygyrchedd ar y prosesau i'w defnyddio a'r gwerthusiadau defnyddwyr sydd eu hangen
7. Gweithio gyda thimau dylunio i sicrhau bod dylunwyr a datblygwyr yn deall adborth o werthusiadau hygyrchedd ac yn cymryd camau ar sail yr adborth
8. Hyrwyddo arferion gorau ar gyfer hygyrchedd digidol drwy ddylunio
9. Cydweithio â rhanddeiliaid mewnol ac allanol fel bod hygyrchedd yn cael ei roi ar waith yn effeithiol drwy ei ddylunio'n rhan o systemau, cynhyrchion a gwasanaethau sefydliadol

Gwybodaeth a dealltwriaeth

Mae angen i chi wybod a deall:

1. Manylion deddfwriaeth a safonau diwydiant sy'n ymwneud â gofynion hygyrchedd o ran rhyngwyneb defnyddiwr meddalwedd
2. Pwysigrwydd creu polisiâu sefydliadol effeithiol ar gyfer dylunio rhyngwyneb defnyddiwr a gwerthuso hygyrchedd
3. Sut i baratoi polisiâu sefydliadol sy'n diffinio cydymffurfiaeth y mae'n rhaid ei chyflawni o ran hygyrchedd digidol.
4. Y camau sy'n gysylltiedig â rheoli gwerthusiadau hygyrchedd yn unol â'r ansawdd a'r amserlenni gofynnol
5. Yr angen i gael ymrwymiad sefydliadol i gyflwyno'r hygyrchedd sy'n ofynnol i bob defnyddiwr
6. Y camau sy'n gysylltiedig wrth sicrhau bod gofynion hygyrchedd rhyngwyneb defnyddiwr meddalwedd wedi'u bodloni
7. Sut i flaenoriaethu gweithgareddau hygyrchedd digidol
8. Pwysigrwydd hyrwyddo safonau uchel o hygyrchedd digidol ar draws y sefydliad
9. Yr angen i roi prosesau ar waith i gyfleu adborth o werthusiad hygyrchedd i ddylunwyr a datblygwyr
10. Sut i gynllunio adnoddau i gyflawni gwerthusiad hygyrchedd
11. Y cyfleoedd datblygu sydd eu hangen i gynnal gwerthusiad effeithiol o hygyrchedd a'r gallu i ddylunio

TECDT50951

Datblygu strategaethau i reoli cydymffurfiaeth o ran hygyrchedd digidol



Datblygwyd gan	e-skills
Fersiwn rhif	1
Dyddiad cymeradwyo	30 Maw 2023
Dyddiad Adolygu Dangosol	30 Maw 2026
Dilysrwydd	Ar hyn o bryd
Statws	Gwreiddiol
Sefydliad cychwynnol	ODAG Consultants Ltd.
RCU gwreiddiol	TECDT50951
Galwedigaethau perthnasol	Gweithwyr Technoleg Gwybodaeth a Chyfathrebu Proffesiynol
Cyfes/Set	Gweithiwr TG a Thelathrebu Proffesiynol (procom)
Geiriau Allweddol	hygyrchedd digidol, dylunio gwefannau
